

Chopfrächnä

Myni Liäbi isch diär eso sicher, wie 7 und 8 15 git. Hed är zu ihrä gseid. Si hed ä Momänt gschtutzt. Git das wirlich 15. Wiä 1 und 1 2 git, oder mynetwäge wie 2 und 2 viär. Das hätti si sicherer tunkt. Aber 7 und 8 15? Speter het si es Bild gmaled, wo 15 Vogel vomenä Boim überä Bliomäwise zur Sunnä flygid und hets is Schlafzimmer ghänkt. Wo n är irä imenä SMS z Endi vo dr Liäbi erchlärd het, het si es Niuws Bild gmaled, wo diä 15 Vogel vo der Sunnä wider zruug i Boim flyged. 7 und 8 15. het si sich derzio tänkt. Ha doch gwisst, dass das nid eso n ä sicheri Sach isch.